



Aqqalu C. Jerimiassen

UKA 2022/115

Atassut

29. september 2022

**Tusagassiorfinnut tapiissuteqartarneq pillugu Inatsisartut inatsisaata
allanngortinneqarnissaa pillugu siunnersuut**

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Tusagassiuutit kiffaanngissuseqarlutik pituttorsimangitsut pitsaasumik ingerlasut, inuiaqatigiit ingerlarnganni atorfissaqartinneqarput.

Tusagassiortullu pissutissalimmik inuiaqatigiit ingerlarngannut uparuarneqarsinnaasunik suliaqarsinnaasut tassaapputtaaq, oqartussaaqataanerup iluani illersuisutut inissisimasuusut.

Tusagassiuuteqarneq suli inerisarneqartuartariaqarpoq, inuiaqatigiillu akornganni susoqarneranik qanimut malinnaatitsinermut tusagassiiviit tassaapput sukarsuit pingaaruteqarluinnartut.

Tusagassisarneq illuinnaasiortumik ingerlanneqassanngilaq, tusagassiortullu tassaassanngillat pisortat qinikkalluunniit oqaaseqarneranni mikrofonimik tigungmiartuinnaat ingerlatitseqqiisussallu isornartorsiuisinnaanermik malitseqartitsinatik.

KNR eqqarsaatigissagaanni, taanna tassatuaapajaalersimavoq nuna tamakkerlugu tusagassisarnikkut suliaqartuusooq, qangatoot inissisimajunnaarsimavugut, tusagassiiviit peqatigiiffittut ingerlasuusut sinersissamiittut tusarsaajunnaarsimapput annerusumik. NTK annersumik ingerlanera takussaajunnaarsimavoq, sinerissallu sinnerani ajoraluartumik peqatigiiffittut ingerlasuusut aallakaatitsiviit piujunnaartitersimallutik.

Malitsigisaanillu sinerissap sinneraniit tusagassattaq amingarnerannik malitseqartumik.

Taamaattumik tusagassiorfiit pillugit tapiisarnerup ilusilersoqqinneqarsinnaanissaanut suleriutsimik nutarsaanissaq ullumikkut tulluartuusooq Atassummiit isumaqarpugut.

Taamatut naatsunnguamik Atassummiit oqaaseqarluta, siunnersuut ataatsimiitsitaliamut innersuupparput.